



Broj: 06-04-5545413/24
Sarajevo, 09.01.2025. godine

KANTON SARAJEVO
SKUPŠTINA KANTONA SARAJEVO

Predmet: Odgovor na zastupničko pitanje zastupnika Bandić Muamera, dostavlja se

Poštovani,

Zastupnik Bandić Muamer je na 19. radnoj sjednici Skupštine Kantona Sarajevo održanoj dana 30.12.2024. godine, u okviru tačke Dnevnog reda "Poslanička/zastupnička pitanja, inicijative i odgovori" a u skladu sa članom 211. i 214. Poslovnika Skupštine Kantona Sarajevo postavio zastupničko pitanje, koje glasi:

"Molim da mi svi navedeni organi uprave i službe Kantona Sarajevo pojedinačno dostave pisani odgovor koliki broj ugovora o djelu je zaključen u navedenim organima uprave i službama Kantona Sarajevo u 2024. godini? Zahtijevam da odgovor sadrži precizne informacije o svakom pojedinačnom ugovoru o djelu sa tačno navedenim datumom zaključivanja i datumom raskida ili prestanka svakog ugovora, predmetom i osnovom za zaključivanje svakog ugovora, kao i novčani iznos za svaki pojedinačni ugovor, odnosno za obavljeni posao po svakom ugovoru o djelu u 2024. godini."

Na postavljeno zastupničko pitanje dostavljamo slijedeći

ODGOVOR

U skladu sa postavljenim pitanjem, obavještavamo Vas da je u Ministarstvu za boračka pitanja Kantona Sarajevo u periodu od 01.01.2024. godine do 31.12.2024. godine zaključeno pet (5) Ugovora o djelu i to kako slijedi:

1. Ugovor o djelu od 21.03.2024. godine zaključen sa Mehmedović Samilom sa rokom izvršenja predmeta Ugovora od 3 (tri) dana od dana zaključenja Ugovora (dakle, do 24.03.2024. godine), čiji je predmet izvršavanje poslova krečenja sa pripadajućim molerskim radovima čišćenja kompletnog stana u vlasništvu Ministarstva za boračka pitanja Kantona Sarajevo u ulici Jošanička br. 14, Vogošća, stan broj 2., prizemlje, ukupne površine 46,80m², a zbog dodjele u vlasništvo novom korisniku.



Članom 5. predmetnog Ugovora o djelu ugovorena je naknada za gore navedeni predmet Ugovora u iznosu od 900,00 KM.

2. Ugovor o djelu od 15.07.2024. godine zaključen sa Mehmedović Samilom sa rokom izvršenja predmeta Ugovora od 3 (tri) dana od dana zaključenja Ugovora (dakle, do 18.07.2024. godine), čiji je predmet izvršenje poslova sanacije kupatila (demontaža, nabavka i postavljanje tuš kabine i wc šolje), silikoniranje prozora, farbanje unutrašnje stolarije sa pripadajućim zanatskim radovima i čišćenje kompletnog stana u vlasništvu u vlasništvu Ministarstva za boračka pitanja Kantona Sarajevo u ulici Jošanička br. 14, Vogošća, stan broj 2, prizemlje, ukupne površine 46,80m², a zbog dodjele u vlasništvo novom korisniku. Članom 5. predmetnog Ugovora o djelu ugovorena je naknada za gore navedeni predmet Ugovora u iznosu od 1.950,00 KM.

3. Ugovor o djelu od 28.05.2024. godine zaključen sa Alić Eminom za period od 01.06.2024. godine do 31.08.2024. godine, čiji je predmet izrada detaljnog Energetskog audita stambenih objekata branilačke populacije na području Kantona Sarajevo kao i drugi poslovi koje odredi Naručilac. Izvršilac je bio obavezan da potrebne parametre za izradu detaljnog Energetskog audita prikuplja obilaskom stambenih jedinica pripadnika branilačke populacije koji ispunjavaju uslove Javnog poziva za jednokratnu bespovratnu dodjelu sredstava za rješavanje stambenih potreba boraca-branilaca BiH prema rasporedu Komisije za procjenu oštećenja individualnih stambenih jedinica i kontrolu ugradnje građevinskog materijala. Članom 5. predmetnog Ugovora o djelu ugovorena je mjesečna naknada za gore navedeni predmet Ugovora u iznosu od 400,00 KM.

4. Kao nastavak realizacije predmeta Ugovora o djelu iz tačke 3., Ministarstvo za boračka pitanja Kantona Sarajevo je sa Alić Eminom zaključilo još jedan Ugovor o djelu od 02.09.2024. godine, za dodatni period od 01.09.2024. godine do 30.09.2024. godine. Članom 5. predmetnog Ugovora o djelu ugovorena je naknada za gore navedeni predmet Ugovora u iznosu od 400,00 KM.

5. Ugovor o djelu od 04.11.2024. godine zaključen sa Mešić Feridom za period od 04.11.2024. godine do okončanja saradnje sa Izvođačem angažovanim od strane Naručioca, a čiji je predmet obavljanje poslova stručnog nadzora nad izvođenjem građevinsko zanatskih radova Izvođača angažovanog od strane Naručioca, u svemu prema odredbama Zakona o građenju i ostalih pozitivnih propisa koji su na snazi u trenutku zaključenja Ugovora i koji tretiraju datu oblast. Članom 6. predmetnog Ugovora o djelu ugovorena je naknada za gore navedeni predmet Ugovora u visini od 1% fakturisane vrijednosti izvedenih radova.

Predmetni Ugovor o djelu vezan je za Glavni ugovor – Okvirni sporazum o izvođenju građevinskih radova i pružanju građevinskih usluga za pripradnike boračke populacije Kantona Sarajevo za 2024. godinu, zaključen između Ministarstva za boračka pitanja Kantona Sarajevo kao ugovornog organa i društva “Senigor” d.o.o. Sarajevo (Konzorcij) dana 10.10.2024. godine sa periodom važenja godinu dana od dana potpisivanja. Članom 9. Sporazuma ugovorena je obaveza ugovornog organa da angažuje – ovlasti stručno lice ili Stručnu komisiju koja će vršiti kontrolu izvođenja radova, pratiti kvalitet radova i korištenog materijala te sačiniti Zapisnike o kvalitativnom i kvantitativnom izvođenju građevinskih radova, a na osnovu koje odredbe je Ministarstvo u svojstvu ugovornog organa angažovalo imenovano lice po Ugovoru o djelu.



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251 2/3
Web: <http://mbp.ks.gov.ba>, E-mail: mbp@mbp.ks.gov.ba

Pravni osnov za zaključenje gore navedenih Ugovora ja odredba člana 600. Zakona o obligacionim odnosima FBiH kojom je propisano da se istim Izvođač radova obavezuje da obavi određeni posao, kao što je izrada ili opravka neke stvari ili izvršenje nekog fizičkog ili intelektualnog rada i sl., a Naručilac se obavezuje da mu za to plati naknadu. Kako se u konkretnom radi o poslovima za koje je bilo nužno angažovati vanjske saradnike/treća lica, ovo Ministarstvo je primjenom navedene odredbe zaključilo predmetne Ugovore.

S poštovanjem,

Dostaviti:

- Naslovu,
- Evidencija,
- A/a.



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

3/3

